

HISTORIA DI AFBW

Fundá 22 di novèMBER 1966

Representashon

Na su lantamentu na 1966 AFBW tabatin representashon na e siguiente kompanianan.

- Handel Maatschappij Bonaire (representando trahadónan di aeropuerto, di haf i e supermarket di famia Gerharts)
- Transworld Radio
- O.G.E.M. N.V.
- Transportashon(Trùknan)
- C.A.M.B.E.S. (abreviashon di e 6 islanan di Antias.

Sosten i Ayudo di sindikalismo for di Kòrsou

- E tempu ei mester tabatin 25 firma pa Gobernador firma e statutonan i lanta e sindikato. Awendia ta via notario ta lanta e sindikato.
- Tur esaki a bira posibel danki na e aporte i sosten di e sindikatonan di CFW i PWFC for di Kòrsou

E promé direktiva

E promé direktiva tabata formá pa

1. Ewald Abdul, presidente
2. Diego Crestian, sekretario general
3. Rudolf Statie, tesorero
4. Johannes “Janchi” Janga miembro-vise-presidente
5. Augusto Flores, miembro-komisario.

E promé C.A.O. a keda firmá

- E promé CAO, debí na un insidente den haf na Kórsou a aselerá e proseso aki na Boneiru i sr. L.D. Gerharts a rekonosé AFBW komo representante di e trahadónan ku tabata traha bou di e kompanianan di Handel Mij. N.V. Den fin di aña 1967 ta firma e promé CAO di AFBW. E logro tabata un oumento di salario di 5% i algun dia ekstra di vakashon.

E promé C.A.O. a keda firmá



Pará di robes pa drechi: Ewald Ong A Kwie, Janchi Janga, L.D. Gerharts, Rudolf "Lang" Statie i Ewald Abdul, presidente Firmando ta Diego Chrestian, sekretario general.

Logro di e promé CAO

- Ku e rekonosimentu aki e kaminda a habri pa AFBW haña rekonosimentu na e otro kompanianan. Einan a lanta e idea di representantenan riba flur di trabou ku awe nos konosé komo shopsteward.
- Mirando ku nos na Boneiru no tabatin eksperensha, ta esnan di CFW i PWFC tabata bin for di Kòrsou pa negoshá CAO. Despues e direktiva di AFBW tabata bai Kòrsou pa sigui kursonan sindikal pa asina poko poko AFBW bira mas independiente.

Akshonnan sindikal

- Akshonnan ku a tene den e temporada tabata entre otro un wèlga na Henderson pa motibu ku di equal work, equal pay. Tambe tabatin un slowdownaction na OGEM. Wela di shofùrnan di trùk Bokatrèk).
- Den e temporada ei e sede di AFBW tabata na kas di Momon na Sabana i despues na kas di Primu Bernabela. Despues AFBW ta haña su sede den e kas di frater na Playa.
- Kongreso estatutario a keda tené tres aña. E promé kongreso a keda tené na 1969 kaminda Ewald Abdul a keda reeligí komo presidente. Kambio den e direktiva tabata ku sr. Primu Bernabela ta bira sekretario den lugá di sr. Crestian.

E prome dos presidentenan

Ewald Abdul

1969 -1971 1975 - 1979



Humphrey Wout

1971 - 1975



Presidentenan den historia di AFBW

Juan Jacobs
1979 – 1997 (R.I.P.)



Nilco Rollan
1997 – 2019(R.I.P.)



Aktual Presidente



Cherrel Kwidama
2019 - Awe

Aktual Direktiva



D.r.p.d. par  sr. Jose Capella Gregory Martines, Cherel Kwidama(presidente). Sint  d.r.p.d. Carol Jomuun, Mkriam Wanga-Markiet, Sharella Wanga-Francees, Shahaira Libier.

Miebronan honorario



**D.r.p.d. par  Hildo Cicilia (R.I.P.) Primu Bernabela, Ewald Abdul,
Norwin Willem i Eric Vlijt. Sint  Rudolf "Lan" Statie(R.I.P.)**

Futuro di AFBW

Hermanonan, kompañero(a)nan.

Ku esaki mi a kana ku boso 58 aña di historia di AFBW. Un historia ku a musta kon hendenan ku amor pa próhimo den un forma boluntario ku sakrifisio a pone nan mes disponibel pa lucha kontra **abuso i eksplotashon** di e klase trahadó aki na Boneiru.

Echo ta ku awe den komunidat ainda nos mester sigui lucha pa mihó kondishon i sirkumstansianan laboral. For di 2019 mi ta eksperenshando un AFBW dinámiko ku a krea rèspèt i rekonosimentu, pero mas ku tur kos konfiansa serka e klase trahadó. Awe AFBW a krese di 4 kompania pa 14 kompania i di 350 mimebro pa serka di mil miembro.

I ku e kresementu aki ta bin mas responsabilidadat pa hengter e organisashon sindikal. I mi ta kontentu di por eksperenshá ku mi mes wowonan ku a kuminsá e trayekto di transishon di un sindikalismo di 58 aña basá riba **BOLUNTARISMO** pa un sindikalismo ku su fundeshi lo ta **PROFESHONALISMO**. I ku e kurso aki awe tambe lo ta forma parti di e trayekto aki.

PABIEN

Historia Sindikal

Meskos ku historia di humanidat sindikalismo na (eks)Antia i Boneiru tambe a konosé su historia.

Epromé lantamentu di trahadó a keda registrá na aña 1765, ora ku katibunan a lanta. Despues di 69 aña na 1834 tabatin e dos lantamentu di katibunan.

Na 1922 e prome wèlga komo hende liber ta tuma lugá den haf di Kòrsou bou di liderato di Feliz Chacuto. Ta p'esei tur 1 di mei Dia di Labor ta pone un krans na su bustu na Kòrsou

Na aña 1936 trahadónan di C.P.I.M. (refinederia) ta bai den akshon pa motibu di kondishonnan laboral malísimo. Tambe e tempu ei tabata prohibí pa wèlga ku e riesgo di bai será.

Historia Sindikal

30 mei 1969 ta marka un historia den mundo laboral ora ku debí na desigualdat grandi den pago entre trahadónan di Isla i esnan di Wescar(kontratista), miéntras nan tur dos tabata hasi e mesun trabou. E lucha tenas tabata pa **equal work, equal pay**.

Tambe e tempu ei dunadónan di trabou no tabatin rèspèt ètòl pa trahadó.

Ku trinta di mei 1969 a bin pa promé biaha stipulashon di un sueldo minimo i a trese e lei di retiro pa protehá e trahadó kontra abuso di e dunadó di trabou ku tabata por a kita e trahadó ora e ta haña ta bon.

Ta despues di 30 di mei 1969 sindikalismo a gana rèspèt i a bin kambionan faborabel den kondishonnan laboral. Pues loke awe na 2024 trahadónan ta gosa i disfrutá di dje ta resultado di luchanan tenas di sindikalismo, kaminda tin vários lider a kai será i hasta tin ku a muri pa e kousa sindikal aki.